



Broj: 01-04-328-20/24
Sarajevo, 26.02.2024. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

**PREDMET: Odgovor na zastupničko pitanje zastupnice u Skupštini Kantona Sarajevo
Mersihe Mehmedagić**

Zastupnica Mersiha Mehmedagić je dana 08.02.2024. godine, a u skladu sa čl. 211. i 214. Poslovnika Skupštine Kantona Sarajevo („Službene novine Kantona Sarajevo“, broj: 41/20 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - ispravka), postavila zastupničko pitanje:

Da li je Općinsko vijeće Općine Trnovo dalo pozitivno mišljenje na važeću Šumskoprivrednu osnovu za šumskoprivredno područje „Trnovsko“.

Da li je bilo primjedbi na implementaciju iste od strane navedenog organa i na šta su se konkretno odnosile ukoliko ih je bilo?

Odgovor:

Zakonom o šumama Kantona Sarajevo Sarajevo („Službene novine Kantona Sarajevo“, broj: 5/13, 10/21, 19/22 i 5/23) i Pravilnikom o elementima za izradu, postupku donošenja i reviziji šumskoprivrednih osnova („Službene novine Kantona Sarajevo“ broj: 19/14) definisano je da šumskoprivredne osnove za sve šume donosi Uprava za šumarstvo uz prethodno pribavljeno mišljenje općinskog vijeća te da se iste ne mogu primjenjivati prije nego ih odobri Ministarstvo.

Na važeću Šumskoprivrednu osnovu za šumskoprivredno područje „Trnovsko“ (sa periodom važenja od 01.01.2015. do 31.12.2024. godine) Općinsko vijeće Općine Trnovo je dalo pozitivno mišljenje na period od jedne godine, uz uslov da Ministarstvo privrede donese odluku o reviziji granica šumskoprivrednog područja „Trnovsko“ i finansira izradu stručnog elaborata za te potrebe.

Članom 7.stav (5) i (6) Zakona o šumama Kantona Sarajevo je propisano da Odluku o formiranju šumskoprivrednog područja ili reviziji njegovih granica donosi Vlada, a na prijedlog Ministarstva i na osnovu stručnog elaborata.



Zahtjev za formiranje šumsko privrednih područja ili reviziju njihovih granica može podnijeti općina, Grad Sarajevo, KJP "Sarajevo-šume" i vlasnik šume. Stručni elaborat izrađuje visokoškolska naučno-istraživačka ustanova iz oblasti šumarstva, a troškove njegove izrade snosi podnosilac zahtjeva za formiranje šumsko privrednog područja ili reviziju njegovih granica.

Ministarstvo privrede nije uputilo prijedlog Vladi Kantona Sarajevo za reviziju granica šumskoprivrednih područja jer nije izraden stručni elaborat za reviziju granica šumskoprivrednih područja.

Nakon što je Općinsko vijeće Općine Trnovo u 2017. i 2018. godini donijelo Odluke o usvajanju elaborata i zaštite izvorišta voda koje se koriste za snabdijevanje stanovništva vodom za piće, Ministarstvo privrede/Uprava za šumarstvo je shodno članu 10. stav (2) Zakona o šumama Kantona Sarajevo („Službene novine Kantona Sarajevo“, broj: 5/13, 10/21, 19/22 i 5/23) uradila reviziju Šumskoprivredne osnove za šumskoprivredno područje „Trnovsko“. U revidiranoj Šumskoprivrednoj osnovi su svi planovi gospodarenja šumama u vodozaštitnim zonama usklađeni sa osnovnom namjenom tih šuma, a to je snabdijevanje stanovništva vodom za piće.

Primjedbe u toku implementacije Šumskoprivredne osnove su se odnosile na neusklađenost šumskoprivredne osnove sa Prostornim planom Kantona Sarajevo i katastrom Općine Trnovo. Zahtijevano je da se površine šuma i šumskih zemljišta, kojima je u Prostornom planu Kantona Sarajevo predviđena druga namjena (gradevinsko i poljoprivredno zemljište), izdvoje iz Šumskoprivrednog područja.

Prilikom izrade Šumskoprivredne osnove za šumskoprivredno područje „Trnovsko“ u obzir je uzeta prostorno-planska dokumentacija. Prostornim planom se utvrđuju ciljevi prostornog razvoja, a usklađivanje šumskoprivredne osnove sa Prostornim planom Kantona Sarajevo, tj. promjena namjene šumskog zemljišta, vrši se u skladu sa članom 52. Zakona o šumama Kantona Sarajevo. Tek nakon što Ministarstvo privrede donese konačnu saglasnost, površina na koju se ta saglasnost odnosi može biti izdvojena iz Šumskoprivredne osnove.

Šumskoprivredna osnova za šumskoprivredno područje „Trnovsko“ je usklađena sa katastrom Općine Trnovo po pitanju katastarskih kultura zemljišta. Zahtijevano je da se parcele koje po kulturi nisu šumsko zemljište izdvoje iz Šumskoprivredne osnove. Sporne površine, koje se u Šumskoprivrednoj osnovi vode kao planinski pašnjaci, goleti, rudine i čistine, su uknjižene na KJP „Sarajevo-šume“ d.o.o. Sarajevo (koje je pravni sljedbenik tri poduzeća koja su postojala na području Kantona Sarajevo: Šumarstvo „Igman“ d.d. Hadžići, Šumarstvo „Bistrica“ d.d. Sarajevo i Šumarstvo „Treskavica“ d.j.l. Trnovo te dijelova šume i šumskog zemljišta ŠIP „Stupčanica“ d.d. Olovo i „Šumarstvo Vareš“ d.o.o. koji su pripali Kantonu Sarajevo) i ne mogu se izdvojiti iz Šumskoprivredne osnove.

S poštovanjem,


MINISTAR
[Redacted Name]
Zlatko Mijatović

Dostaviti:

1. Naslovu.
2. Vladi Kantona Sarajevo – na znanje.
3. Evidenciji.
4. Arhivi.

